

1909

年

第

卷

2119

第

2130

期

北洋官報

目錄

宮門抄

交旨

奏議○粵督張奏新添巡防船隻經費片△新撫聯奏遵
 保防戍出力人員摺
 公牘○學台札一件△沙河縣詳一件
 文告五則△電報五則△新聞九則
 彙編○兩江禁烟公所簡章△蘇省續訂省視學章程
 圖說○湖北宜昌第五圖

本局第一百三期法政學報已出

宮門抄

五月十五日 民政部 都察院 正黃旗值日 鐵良 世侯各假滿請 安 林紹年 增善得 賞

廕生各謝 恩 阿公續假十日 鐵良 內閣奏派驗放大臣 派出睿王 載攬 張英麟 林紹

年 召見軍機 肅王 烏珍 林紹年 都察院遞封奏二件 鐵良趙炳麟各遞封奏一件

交旨

五月十五日 軍機大臣欽奉

諭旨都察院奏法部主事趙振熙等代已革道員王昌熾鳴冤請旨交審以辨是非一摺法部主事趙振熙等均著

交大理院嚴切根究據實覆奏欽此

諭旨都察院代奏檢討張書雲請開三閣令詞臣讀中秘書呈一件著學部知道欽此

奏議錄要

兩廣總督張人駿奏新添巡防船隻經費請立案片

再前准部咨嗣後各省增裁勇數餉數均令隨時奏咨立案等因歷經遵辦在案查粵省向設有大小輪船及拖扒舢板等船分派東西北三江等處按段巡緝惟河道縣長盜風猖獗攔河截搶之案尙復時有所聞且西江緝捕既已收回捕權自當添設輪船梭巡以期周密業經於光緒三十三四兩年先後添造江西山西會西封西定西德西建西安西興西甯西慶西明西順西海等淺水小輪一十四號江大江清江鞏江固輪船四號龍驤陽江輪船兩號並以安平安濟東海等三輪壞爛另行新裝三號又先經前督臣周馥撥北洋寶璧輪船來粵修用及撥調士敏土廠之元和輪船隄工局之普安輪船水巡警局之綏江輪船又承領封存築隄工匠陳聯泰之江利江永兩輪更名善豐善富又將東莞縣拿獲違章走私之永裕商輪更名善裕修復決勝舊輪更名勝昌均經配足弁勇分派各處嚴密巡緝先因各輪裝造需時防務吃緊暫行租雇泰安江南利益利豐等商輪四艘配勇梭巡嗣有新輪替換陸續退還遣撤臣復以西江爲東西兩省交通要道帆檣絡繹巡緝稍有疏懈盜賊卽乘機思逞分派委員稽查西江捕務並准各員募用書識護勇人等分駕各輪常川巡查藉資整頓其小海珠輪船調赴西江緝捕添雇帶水及酌加勇役口糧東肇廣安兩輪或以船身稍大或差務繁多均准酌加公費又製造軍械東局需船防護添設舢板兩艘啓新中營改設舢扒四號添派幫駕員弁前山改裝舢扒兩號均各增支薪水口糧又廉洋師船與白龍營船改歸龍門協副將李慶雲統帶因各船水勇原支口糧太薄核准酌增其電白龍門師船壞爛另雇民船巡緝並准支給租價銀兩惠安水軍三營統領惠遙制耳目難周添派分統一員另行核給薪水公費赤溪協修復師船一號附設舢板一艘韶安水軍右營新添飛划八號水師提督右營將原有扒船改換舢板二號各配弁勇分巡照章支給薪餉其平海營水陸勇隊

緒三十三四兩年新增之款據廣
外謹附片具陳伏乞 聖鑒敕部立案施行謹 奏宣統元年五月初八日奉 硃批該部知道欽此

甘肅新疆巡撫聯魁奏遵保防戍出力人員摺

奏爲遵保新疆防戍出力人員繕單恭摺仰祈 聖鑒事竊新疆七載防戍屆期奏請可否照案獎叙於光緒三十三年九月承准陸軍部會同吏部議覆准其照章酌保具奏奉 旨依議欽此欽遵分別轉行去後旋因新

省地方寬遠一時難以彙齊復 奏請展限在案嗣據各將領取齊清冊調驗札照開單呈經奴才逐細較正現已一律核實應即彙案辦理查部章五載防戍每五百人准保五人新疆防戍已及七載計逾定限二載部臣議覆摺

內聲明准將人數量爲變通等因新疆防軍原共二萬餘人自裁減後合古城駐防練軍五百人尙餘一萬九千五百餘人據各路單開人數請獎浮於例者數倍奴才謹遵章切實核減擇其尤爲出力者 奏保一百八十五員名

內共文職一百二十一員武職六十四員俱按照尋常勞績章程酌擬請獎奴才竊維新疆地處極邊近歲以來防務倍形喫重在事各員弁馳驅冰雪勞動特甚前於陳請摺內已縷晰聲叙本擬逾格奏乞 恩施惟念爵賞原

以勸人才汲引亦宜防倖進新章保舉額限綦嚴部臣綜核名實具費苦心此次獎案部議雖准量爲變通奴才究未敢過逾限制稍涉冒濫仍以重名器也其酌保各員均屬在防日久著有微勞合無仰懇 天恩俯准如擬給

獎以示鼓勵之處出自 鴻慈所有酌保新疆七載防戍出力文武員弁各緣由謹分繕清單恭呈 御覽除將咨保未弁開單送部核獎並將各該員歷冊分咨查核外理合會同陝甘總督臣升允合詞恭摺具 奏伏乞

皇上聖鑒訓示施行謹 奏宣統元年五月初十日奉 硃批該部議奏單二件併發欽此

謹將擬保新疆七載防戍出力各員彙繕清單恭呈 御覽 計開 留甘補用知府傅秉鑒擬請俟補缺後以

道員補用 花翎三品銜選補江蘇太平廳撫民同知沈維誠擬請以知府在任候補 花翎候補同知李湜擬請

俟得缺後以知府補用 同知銜補缺後儘先補用直隸州知州候補知縣陳效忠擬請俟歸直隸州班後加知府

銜 甘肅高台縣知縣李應壽甘肅徽縣知縣張若金均擬請以直隸州知州在任補用 甘肅議叙通判陳鏗候

補通判宋秉彝花翎同知銜本班儘先候補知縣王肇基甘肅卽用知縣鄭廷琮甘肅候補知縣曾良升花翎同知

銜候補知縣錢汝功李義花翎五品銜候補知縣戴承謨候補知縣曾鴻蔭毛英畏甘肅試用知縣廖元估均擬請俟補缺後以直隸州知州補用 甘肅布政司庫大使在任候選知縣錫章同知銜選用知縣蕭彰構均擬請俟補知縣後以直隸州知州試用 通判銜候選筆帖式玉海擬請俟選缺後分部作為候補主事 甘肅新疆巡撫衙門筆帖式世勳文清均擬請以理事同知用 候選州同白文超擬請俟補缺後以知州試用 伊犁府經歷王陽晞擬請以知縣補用 花翎五品銜迪化府經歷楊錦堂擬請在任以知縣補用 候補府經歷吳庚廷藍翎分省試用府經歷李馨五品銜候補縣丞魯延侯甘肅布政司照磨在任候選縣丞傅乃啟分缺間補用縣丞陳大均候補縣丞樊魁龐鍾嶽王植羅鴻基郭興仕袁希岳李繼鴻李蔭穰蕭鶴章指分陝西試用縣丞陳永平甘肅試用縣丞李承紱黃宸綽指分新疆試用縣丞李慕華分發試用縣丞文其炳均擬請俟補缺後以知縣補用 不論雙單月選用府經歷陳得喜五品銜不論雙單月選用縣丞劉沅不論雙單月選用縣丞朱芾楊啓瑞郝敬祥牛文釗文建欽候選縣丞姚晉瑜不論雙單月選用復設教諭馬元春均擬請俟得缺後以知縣試用 布經歷職銜附貢生高正忠府經歷職銜監生周恒讚金掄均擬請以府經歷選用 候補縣主簿成志擬請俟得缺後以府經歷補用 州同職銜監生忠連縣丞職銜監生石廷棟均請以縣丞選用 六品銜主簿用請補甘肅秦州直隸州徽縣典史鄭錫鴻擬請俟補主簿後以縣丞補用 不論雙單月選用主簿危雲霄擬請俟得主簿後以縣丞試用 縣丞職銜蕭樹藩王鶴齡羅鴻璽張紹鑿余應麟宋澤春附貢生黃純穆貢生陳烈周元治附生趙壽銓均擬請以縣主簿選用 候補巡檢曠經綸劉辛源湯臣翰指分新疆試用巡檢危源瀚候補從九品張道隆均擬請俟補缺後以縣主簿補用 五品頂戴不論雙單月選用巡檢孫炎炳六品銜雙月選用巡檢湯勳六品銜儘先即選從九品段克忠不論雙單月選用從九品曾冠鼎景生春均擬請俟得缺後以縣主簿試用 從九職銜趙啓沃文章童徐蓮昌杜華芬擬請以從九品選用 貢監生喻鎮堃附生蕭世煌均擬請以巡檢選用 七品頂戴文章童潘雲文章李宗潮劉思明田家穰鍾協寅張祐楊磻池黎炳焜鄒憲章盧兆麟喻壬袁賓南柴潤林馬炳坤李道龍李錦中郭振家喻秉麟陳賓鴻文際成劉輝海蔡登科胡忠效趙文選馮天錫鄭文炳文銓張德春洪秉鑫均擬請以典史選用 六品頂戴補用知縣分省補用縣丞 擬請俟歸知縣班後加同知銜 藍翎補缺後知縣用候補縣丞蘇不

續擬請交部議叙 歸部不論雙單月選用巡檢葛欣陔候補從九品鍾文理均擬請 賞加布理問銜 升用
縣主簿候補從九品王宗高擬請 賞加六品封典 不論雙單月選用巡檢徐鶴章擬請 賞加六品銜奉

殊批覽欽此

謹將擬保新疆七載防戍出力各武員彙繕清單恭呈 御覽 計開總兵銜留兩江督標補用副將健勇巴圖

魯平智同副將銜補都司後補用遊擊幹勇巴圖魯趙文斌花翎補叅將後補用副將謝澤龍均擬請 交部從

優議叙 花翎補用副將儘先補用叅將安益元花翎補用副將留新儘先補用叅將王迎琦均擬請俟歸副將班

後加總兵銜藍翎都司補缺後遊擊王振華擬請俟歸遊擊班後加二品頂戴 花翎卓異記名古城城守尉魁聯

擬請 賞加副都統銜 古城滿營花翎佐領鳳琳古城滿營花翎佐領雲騎尉忠賜均擬請 賞加協領銜

古城滿營防禦多凌擬請 賞加協領銜 花翎五品頂戴儘先即補驍騎校富色賀擬請俟補驍騎校後以

防禦補用 密雲駐防前鋒監生松祥擬請以該營驍騎校補用 花翎副將銜留新儘先補用叅將張澤忠擬

請俟補叅將後以副將補用 花翎巴里坤鎮標左營遊擊李提榮擬請以叅將補用 副將銜補用遊擊王桂清

花翎副將銜儘先補用遊擊借補喀喇巴爾噶遜營守備張九齡均擬請俟補游擊後以叅將補用 花翎留新儘

先補用叅將劉鑑定補缺後叅將儘先補用遊擊湯昭澤花翎補遊擊後補用叅將那廣彥花翎儘先補用遊擊湖

洪湘均擬請 賞加副將銜 補用遊擊留甘儘先補用都司陳泰福擬請俟歸遊擊班後加副將銜 遊擊銜

伊犁鎮標甯遠營都司張昔義藍翎三品銜甘肅涼州鎮屬安遠營都司張順元均擬請以遊擊補用 花翎留新

補用都司借補瑪納斯右旗守備朱楚南藍翎補用都司正任撫標中營左旗馬隊守備趙懷林花翎補用都司准

補英吉沙爾營中軍守備何得仁花翎遊擊銜留新補用都司迪化城守開花礮隊守備張彩廷花翎候補守備後

留陝甘揀發補用都司馬萬傑藍翎遊擊銜補缺後補用都司儘先補用守備周有鈞均擬請俟補都司後以遊擊

補用 補用都司謝漢臣擬請 賞加遊擊銜 藍翎補缺後都司儘先補用守備王貴榮補用都司李國樑補

守備後補用都司劉福春廖正科均擬請歸都司班後加遊擊銜 花翎都司銜留陝甘補用守備吳連升藍翎都

司銜儘先補用守備馬鳳麟曾學文藍翎都司銜補用守備張忠升周培發都司銜儘先補用守備馬德福留新補

千總後補用守備韋志海均擬請俟補守備後以都司補用 藍翎守備銜正任瑪納斯協營左哨千總張春華擬請以守備補用 伊犁鎮標霍爾果斯營中軍馬隊守備張得勝藍翎五品頂戴補用守備儘先拔補千總王得勝守備銜拔補千總補用守備羅鹿鳴均擬請 賞加都司銜 花翎補缺後補用守備安福吉擬請俟歸守備班後加都司銜 補缺後補用都司儘先補用守備李有擬請先換都司頂戴 藍翎守備銜拔補千總瑪納斯右旗左哨把總張明義五品頂戴拔補千總准補阿克蘇鎮標左營右哨把總湯有言藍翎拔補千總准補阿克蘇鎮標中營後哨把總栢友竹藍翎拔補千總准補喀喇沙爾營馬隊右哨把總鄭得霖藍翎拔補千總正任撫標中營右哨把總潘海龍藍翎守備銜拔補千總董玉桂守備銜拔補千總關正福藍翎儘先拔補千總馬占彪張文林拔補千總迪化城守協營後哨把總龍銘河拔補千總鄧漢香均擬請俟補千總後以守備補用 武舉朱紫雲擬請以千總補用 拔補千總撫屬濟木薩營中軍馬隊左哨把總周紹文擬請 賞加守備銜 藍翎五品頂戴存記守備直隸督標儘先千總韓文鎔擬請 賞加四品頂戴 補缺後把總李蔭白陳光熙均擬請 賞加五品頂戴奉 硃批覽欽此

公牘錄要

學台傳札飭邢台縣改核該縣高初小學分別嘉獎并申飭撤換文

為札飭事案照此次本司前來順德親臨官立各學堂逐一考查並派員抽查城鄉初小學堂除中學師範優點缺點所在另行飭知外合將所查小學女學分別優絀開列於後 計開 官立兩等小學生徒罕告假者具見該堂長尹瓚立心懇篤管理有方高等甲班教員劉景琦教授地理極為明晰學生成績尤佳均應傳諭獎勵劉教員並由本司贈給手書聯語以示優異初等科教員柴清泰教授不能合法應飭令加意研究改良勿得仍前敷衍至堂中衛生一端如宿舍廳廚房等處更須注意清潔藉期日有進步 官立女子小學學生整肅成績可觀就學日衆具見該女教員丁氏教授懇篤深堪嘉尚應由本司贈給手書聯語一副以昭獎勵西街官立初小教員胡寶山處理校務頗有條理教授亦甚詳晰深堪嘉尚應由本司贈給手書聯語一副以昭獎勵仍令加意研究教授之法以期日益進步 南關外公立小學教員王森善於誘導學生三班甚見整齊應一併傳諭嘉獎 賈村小學學生在

堂僅止二人講堂異常荒穢應加申飭嚴行整頓 東窪村小學教員過於陋俗用三字經百家姓教授學生毫無秩序應嚴加申飭趕緊設法改良 百泉村公立小學教員鄭法成講解不甚透澈且未能按時上課學生有到堂一二年而程度僅如數月者應將該教員撤換力加整頓 王村小學大門鎖閉教員生徒空無一人倘係麥秋放假似亦太早按照情節自在應行撤換之列姑先飭勸學總董查明情由報縣核辦 此外所曾查閱之辛市街小學光賢村小學樓下村小學孔橋村小學前晉寺村小學等處優點頗少甚或講堂黑闇少光或未全用教科書並各鄉未經查視各小學均仰督飭總董勸學員等隨時查察整頓改良其未經設學各村尤應逐漸勸導酌量添設以廣教育至小學教員應行研究教授方法似應於麥秋大秋放假時會集講習數日並先由勸學所就各教員中著有成績者酌推一二人至天津保定參觀兩處模範小學詳細察其教授訓練之方法歸向各教員演講並自行依仿以爲法式似此辦理一年以後必有進步至於規制設備關係經費自不能盡求完善但講堂應令透足光綫後壁略有透氣之窗孔並令逐漸注意潔淨勿任穢黑尤須各教員勤篤懇切不憚勞苦使地方父老皆能信服學董經手款項隨時揭布衆覽使捐集經費之人一無疑謗此更辦學第一要鍵願任事諸人共相勗勉者也 以上各條仰該縣迅即督紳遵照辦理以副本司周歷查察力求整頓之意其辦學勸學員紳如有品望不孚辦理不力者應隨時酌量撤換以免貽誤而求實際切切此札

沙河縣雷令其源詳現抽煤捐擬請改爲煤稅文並批

爲詳請事宜統元年三月初四日奉礦政總局札開爲札飭事本局呈詳沙河縣現抽煤捐擬請改爲煤稅按照部章徵收通融准其留支各費併擬補給憑照請核示緣由奉批查此案前據沙河縣來稟業經札飭該局核擬在案茲據詳稱該縣所收煤釐核與礦章不符擬請改爲煤稅每噸徵收稅銀一錢核計每筐重八十斤上下者抽收庫平銀五釐此項稅銀凡該縣應需開支各款准其照案提用餘銀按月解交該局收存彙案解部地主酌給紅利不得開支稅款並照房宛兩縣柴煤舊窰辦法飭令各窰戶一律補領憑照各節應准照辦仰候轉飭遵辦摺存此繳等因奉此查該縣境內柴煤小礦共有若干每處各有資本若干每礦各佔地畝若干是否官荒抑係民業即應由縣清查明晰造具細冊詳送來局以憑核明補給憑照而備稽考將詳稿並酌擬補發柴煤小礦憑照詳稿一併抄

軍札飭札到該縣即便遵照辦理詳覆以憑核辦毋違此札計粘抄詳等因奉此遵即傳集各地主並密戶人等去後旋於三月十八九等日據地主程如嶺申翰周中辛酉胡道正胡道信申同心馮自福程永祥申德先程狗保程繼志申鳳林宋全義申雲蘭申右保申代保並三成密戶邢兆一久安密戶孟廣榮三盛密戶趙萬祥久盛密戶孟廣久長興密戶宋運魁人和密戶劉鴻勳等先後到案訊據程如嶺等供稱伊等均係同心坡地主向係將地租與邢兆一等開採從前用機器開過概歸官辦因本重利微旋即停止改爲民間土挖旋興旋止雖有煤質不甚興旺且有廢盡工本或爲水泉淹沒或爲流沙所阻是以歷來開採從無一處經久恒受累世空糧之累前以各密十成抽收除納府縣各衙署及大公房辦公外以五成歸地主於光緒三十年開辦學堂以十二成抽收僅給地主三成其餘九成歸學董經理以七成辦學堂一成辦巡警一成辦工藝伊等實保得不償失如伊等不得開支稅款僅能酌給紅利要知密主開採賠本者多獲利者少而紅利更不必言反不如按畝豁糧共成官礦伊等情願得錢爲置產業以免凍餓據邢兆一等供稱伊等均在同心坡集股創治煤窰定章以賣煤京錢一百吊抽收釐金十二吊分作十二成開支地主三成其餘九成作爲學堂工巡等項經費抽項不爲不重伊等每日出煤無多用費甚鉅竟有賠本數千吊者質賣產完納釐金若再飭領憑照雖按房宛煤礦資本四千兩以下納照費銀十兩無如煤窰興衰無定有探而不開開而復閉亦有農忙時閒採乏人卽行停歇因是各密煤層均極殘薄卽所出僅供民間炊爨不適火車機廠之用銷路不廣是以不愿開採惟有懇請援照官報兩廣總督張奏以辦礦爲難暫免井口兩稅現奉諭旨允准在案況沙邑煤窰已抽收九成辦理學堂工巡各新政較之廣東已爲吃苦如不稟請轉詳暫緩領照免扣地主開支稅銀將來恐已辦者轉爲停歇未辦者必裹足不前各等語卑職查此項煤稅除開支學堂工巡外並無餘利惟有地主三成儘數提解果屬法良意美無如該地主程如嶺等均以靠地養家又緩地糧前支五成後支三成已覺抱屈若再將三成提淨又無紅利可分該地主等衣食無著凍餓堪虞其情不無可憫可否仍行照舊暫緩領照免交稅銀之處卑職未敢擅專茲奉前因除飭各密戶改爲煤稅外擬合遵飭造冊具文詳送

台查核俯賜批示祇遵

憲

督憲楊 批據詳已悉該縣各煤窰擬請暫緩領照免交稅銀各節候飭礦政調查局核議具覆飭遵冊存此繳

文告錄要

學台批示○河間縣初級師範畢業生郭子衡等稟發給應考優拔職各執照並准註冊一案 批稟悉學堂教員如原係廩增附生本准考優拔應即自行赴學報候起文申送可也其非舊時廩增附生概不與考仰即各遵照此批○阜城縣考取典史附生史錫麟稟請入試應如何投考請批一案 批稟悉考試優拔須由儒學保送該生既經出學碍難與考所請應毋庸議此批

天津巡警總局傳單○擬定各局區副官會議應辦事件仰即一體遵照 一各局區隊崗警所穿軍服自應仍照議定晝夜換穿辦法按時更換現值天氣炎熱每值夜間崗警所戴軍帽自五月初九日晚八鐘起一律收回均應換戴草帽以期整齊 一時值夏令各局區界內擺設鮮貨攤者多有售賣不熟果品腐敗食物西瓜割開蠅蚋蟻集於上而貧民貪其價廉購食殊屬有害衛生亟應一體查禁 一當夏天炎熱之際不准露體在外行走已經通傳查禁在案服苦之人往往赤身露體在街巷門外隨便睡臥不特有關風俗而且有害衛生亟應隨時查察妥為勸禁 一近查各馬路便道擺設貨攤多有違章侵佔實屬有碍交通自應認真查禁隨時指揮令其向裏挪移不准多佔以重路政而利行人

天津縣議事會議覆公告○李恩榮說帖為舉報官荒業蒙查實反遭戒責仍懇勘定是非以秉大公而防巨案事議覆說帖閱悉此案已經照章辦理此覆○上河圈失業貧民王立盛等四十二戶說帖為假公濟私欺壓貧民懇恩澈究奸謀以救民命事 議覆說帖閱悉所陳各節如果屬實應自赴 津浦鐵路總局申述此覆○潘銘說帖為再陳串同舞弊假會抽款盜賣祖地請俯賜議事 議覆說帖閱悉所陳本會傳示成契一節并無其事是否再陳串同舞弊假會抽款盜賣祖地請俯賜議事 議覆說帖閱悉此案已由董事會據理力爭自不便另生枝節所請代陳困聊生公懇核議辦理以伸困苦事 議覆說帖閱悉此案已由董事會據理力爭自不便另生枝節所請代陳困苦各節碍難議准此覆

保姆養成所榜示○為榜示事照得本所保姆班學生考試畢業茲將試卷認真校閱評定甲乙分別等第合行榜示週知須至榜者 計開最優等二名 陳菊仙總平均九十二分 霍文智總平均八十五分 優等十二名 康玉瑛總平均七十八分 陳子仁總平均七十七分 于延祚總平均七十七分 霍文興總平均七十七分 孔淑貞總平均七十四分 杜淑仁總平均七十四分 吳仲芳總平均七十四分 狄兆禎總平均七十三分 唐若嵐總平均七十二分 譚華先總平均七十二分 張思祐總平均七十一分 白美德總平均七十一分

十一分 中等六名 楊玉蘭總平均六十八分 劉玉鳳總平均六十七分 張玉軫總平均六十七分 王錦琴總平均六十五分 王金式總平均六十一分 李汗英總平均六十分

附錄天津官事○新任督憲那中堂於昨午後兩點鐘由中州會館行轅赴督署 楊蓮帥靈前上祭畢旋赴督辦津浦鐵路大臣呂尙書出使大臣唐星使直隸提台姜軍門各行轅回拜並回拜通城文武○通永道衡觀察吉前日由任晚車來津

電報錄要

路透電○英海軍大將比洛福爾氏在倫敦演說自言對於委員調查防護本國艦隊之事不能不守緘默并催請海軍部於一千九百十四年以前造成大戰艦十艘巡洋艦六十艘魚雷艇五十二艘所需經費約共五十五兆至六十兆鎊

又電○法政府現在報告法國野戰兵隊預備尙爲整齊現調查駐紮殖民地武員共一萬零一百五十七員兵士二十六萬五千五百一十五人在一千九百零五年西十二月調查武員共七千四百六十三員兵士十八萬五千八百二十三人

又電○美京消息美議院現將改訂關稅章程批駁因該章程每磅茶葉抽稅一角恐於喀柔林納南部種茶之人大得利益云

又電○英外部大臣葛雷氏在下議院答覆某議員言現在海軍部與外部商議調地中海艦隊多艘至蘇格蘭附近領海舉行大操又言現在對於地中海政界情形無須將艦隊改配云

柏林電○歐洲列強照會土皇謂列強決意將兵隊由克里德島撤退

新政紀聞

政 治

派員考查審判廳○署法部葛尙書因各省籌設審判廳一事爲司法獨立之基礎收回裁判權之預備辦理稍不合法於憲政前途大有阻碍故特議派員分赴各省確實考查務期遵章籌辦云

飭令舉貢學習法政。○浙江藩學臬運四司會詳撫院文云浙江省法政學堂成立於光緒三十二年。至去年官班畢業者僅四十五人。去年下學期與今年上學期二次考取官班來堂者不過一百五十餘人。刻值舉辦新政。需才正殷。且各級審判廳限年成立。若僅此肄習法政之百餘學員。斷不足敷策遣之用。查廣東廣西兩省法政學堂。曾由該省督撫奏請飭吏部檢選各省舉人分發來粵入堂肄業。期滿以知縣留省補用。均經奉旨允准。在案。良以舉人於中學研究有素。進授以法政學科。其程功較易。其收效自速。浙江省自光緒三十二年吏部議准。政務處寬籌舉貢出路章程。後計舉人用鹽大使分發來浙者約二百人。其用州同按經歷布道庫大使府經縣丞各項亦有十餘人。此項人員。不乏可造之才。若令終身沈滯下僚。未免閑散。可惜似非廣其登進之途。無以勵其嚮學之志。該員等本係舉人出身。照章以知縣揀選擬請援照粵省成案。將現在舉人出身之鹽大使及州同按經歷布道庫大使府經縣丞各項擇其年壯才明者一體送入法政學堂。俟畢業時試驗其成績較優者。以知縣留省補用。將來審判廳成立。亦可酌量試署於造就吏才之中。兼寓疏通冗員之意。似屬一舉兩得。再五貢亦係正途現查候補佐雜各班自光緒三十二年以來。五貢就職州判府經縣丞各項分發到浙者亦復不少。擬請一律派習法政。俟卒業後或酌予升階。或借署審判廳職俾得及時自效。以宏造就。而免向隅。本司等公同商酌。意見相符合會銜詳請憲台察核奏咨立案施行。

學務

實業學堂考驗畢業。○奉天實業學堂甲班學生預料定於本學期畢業。現聞該堂定期五月十八日起至二十三日止舉行考驗。業由蔣監督元恭呈明提學司。並請派員監場。以昭鄭重云。

教育總會整頓會規。○贛省教育總會以本會為全省教育之總機關。所有各項職員。必須按期常川到會研究。討論以促教育前途之進步。現因各會員每月並不到會集議。特公議整頓會規。凡遇星期日開常會。一次各會員均須蒞會。共同籌議。並函請各府教育分會駐省總事務處。每處派舉代表二員到會。各抒意見。以收集思廣益之效。

民事

通飭禁煙之嚴厲○江督端午帥札各府廳州縣文云禁煙政策本部堂屢定章程迭頒文告於禁種限賣等事一實籌各地方官應如何切實奉行期收速效乃現准張殿撰漾電內開城鄉煙禁近復大弛事關全局乞電飭各州縣嚴申禁令督董認真辦理等因查禁煙一事固經屢次嚴飭在前而近日實行牌照捐所定章程尤爲嚴密何以通州城鄉近復弛禁殊屬不成事體除電飭稟復核辦並通行外合行札飭札到即便遵照將禁煙一切事宜實力辦理毋得稍涉敷衍

禁煙總會開成立大會○江蘇鎮江府紳以鎮郡自禁煙以來戒除者固屬不少而陽奉陰違者亦多公同籌議稟准大憲擬於城內設立戒煙總會一面由常鎮道劉襄孫觀察照會陶紳爲該會名譽總理茅紳爲協理鎮江府承瑞卿太守爲總辦警察局委員饒子敬司馬丹徒縣王緯臣大令爲提調劉觀察亦自任督辦之責於五月初一日在城內 萬壽宮事務所開成立正式會議會中一切事宜

整頓偵探添設科員○浙江巡警道出示云照得本道抵任後組織巡警公所遵照部章設立探訪科隸屬司法科內委科員趙宗興辦理所有探訪事宜即歸該科員經營查杭城現已設有探訪公所機關粗具凡民人犯罪及禁物贓証之緝探搜查當能實行查察報告惟本道既設探訪科專員嗣後該公所遇有機密偵察情形應即隨時報告如本道有臨時密查事件亦令探訪員與該公所探長密商辦理務使事機嚴密緝探妥速除札派探訪科員外爲此札仰該公所探長立即遵照與探訪科員先行接洽并隨時將偵察情形機密報告毋稍漏洩玩延云云

商務

增派員司測繪商埠地址○吉林長春府孟秉初太守會同督帥所委之王大令在北門外勘丈商埠地段一節現孟太守以本署戶書丈地恐不得法又選派巡警局精於測繪科員二人幫同辦理以期完善而免疎忽

商局分咨購領紙品○蘇省農工商務局奉江督端午帥札開南洋印刷官廠將改良各種文件式樣印就呈送並據聲稱各種紙品壓本甚鉅請飭各屬務於五月以前先行到廠繳價購領以資周轉等情除批准並咨行外合行札發即便遵照等因當即轉行各商會按期遵辦矣

第十三節 各科副均兼充書記官於本科文稿案牘均應隨時擬辦及分別編存餘詳第八節

第十四節 各科差遣官司生均應受各本科指派辦事

第十五節 各科之司書生各經理繕寫本科文牘應受書記官指揮

第十六節 司事生司書生除各受本科管轄外各科司事生均以庶務科領之各科司書生均以文牘科領之各科遇事繁時可由科員告知庶務科文牘科會商各本科量其繁簡互相調用

第十七節 各科遇有特別需員幫助時可商承提調指派差遣官前往

第十八節 本所現定職任係於開辦之先預爲酌擬如開辦後事務繁簡均得隨時詳請加派或裁併

第十九節 本所事體繁劇勢難預派多員差遣官如有不敷可臨時選委候補人員任之事畢銷差

第四章 經費

第一節 江南財政支絀新設局所經費綦難然本所事項太繁規模稍廣再三撙節核計每月約需一千五百兩

並前設之查驗所經費在內

第二節 本所開辦以後預算經費如有贏餘留爲活支均應按月報銷

第三節 本所各員薪水均奉院札及詳定有案如有改革隨時詳酌

第四節 本所伙食隨時支交廚役不得由本人支領其一切紙張茶水雜費均同惟督辦總辦提調各員有未能

常川駐所者如值臨時支用伙食等費應按次核實列支以免虛糜

第五節 本所經費按月造銷由庶務科會同文牘科辦理由提調覆核俟督辦總辦核定詳報

第五章 附則

第一節 此項章程如果開辦之後有隨時應行酌改者仍即另詳改定

第二節 各科辦事有應另定專章者如調查禁制產銷等項事理複雜必須專設細密章程方能周妥即文牘庶

務兩科亦有應行之細則應俟開辦後督飭科員議擬詳辦

蘇省續訂省視學暫行章程

一省視學每到一處必須將寓所開明地址寄信學務公所以便遇有要公隨時通信公所亦應將此項信件錄登專簿備查

一省視學宜切囑縣視學將一縣中所有各項學堂凡係新設或停辦者逐一開列清冊每學期呈報一次以備核對

一各學堂一覽表須將各項詳細開列不得任意草率填寫至學生姓名年齡入學年月尤宜詳細填註不可稍涉模糊須知各學堂填繳之表照例報部將來學生畢業或升學時即須與送館之表逐一核對符合方能核准關係至爲重要若填寫遺漏或竟錯誤日後輾轉駁詰即屬自誤省視學宜將此意通知各學堂務令認真據實填寫是爲至要

一省視學每到一學堂宜將調查簡表按式填寫並詳查該學堂學科是否遵章辦理所配點鐘是否合度畢業年期有無縮短情弊其有分班不如法科目不完全等事必須殷殷指導使之實力改良（此條所載事項附登調查意見中）

一省視學宜謹遵光緒三十三年十一月二十一日 上諭令各學堂認真注重讀經講經並國文科四書學部已頒有刻本五經各處多有完全刻本不得任意刪節希圖完畢

一省視學宜令各學堂一律用學部審定教科書日勿得各編講義蓋一編講義一則教習遇有更換必致前功盡棄一則各學堂學年畢業程度斷難齊一實於教育前途大有關係如實有中途難改之勢應將所編講義按學期送司察核

一各學堂職員與學生之勤惰及學生之功過省視學宜仿直隸辦法切實查註

一私立各學堂省視學應一律調查其優者應酌量呈請嘉獎以期設立日多爲官立公立之輔其未合學堂辦法者須力囑改良以歸劃一

一省視學至各學堂有須調查經費之處應向該學堂取閱收支簿記該學堂務須逐一檢交不得隱漏

一省視學調查學生成績時得指調學生面加考驗以求實際

英國貴胄女子患甚劇之血薄症爲韋廉士大醫生紅色補丸所治愈

女子斐利沙孝立敦爲英國著名議院中已故之議員亨利孝立敦之女公子也嘗入觀英皇太后態度自然並無怯狀此等恩榮惟高等社會有顯爵者所可享受該女士曾自述其閱歷云余見英皇太后時膽氣甚壯毫無畏懼誠莫測其故也余嘗因傷風肺炎體弱膽小興趣索然前雖精神充足今則懶於應酬常患頭痛痿頓欲垂詢諸醫士則知余所患者即血虛之症也余因此疾所受諸苦恐非言語所能盡述偶一動作即覺力乏氣促因憊異常腦筋如



血虛 此衰弱入觀時實覺膽怯心驚雖承醫士盡心診視終屬無效頭痛體弱如故面容青白甚劇 無色後於報紙中見有韋廉士大醫生紅色補丸之告白余遂決意一試先購數瓶如法服食即覺身體略健用是接連服之頭痛驟減精神煥發凡余今昔所歷諸事莫不活潑大醫 記憶有躍然欲動之情形耐心久服之後更覺身體康健復原面容光澤有色又覺作事生紅 踴躍而無倦容矣韋廉士大醫生紅色補丸色補 之功用如此神奇余極喜告諸世之同病者丸所 其亟服之○韋廉士大醫生紅色補丸無論何等社會中人醫治各疾服之莫不立愈因治愈 是丸中之質料實有生生新血健腦筋之能力

故能醫治 血薄氣衰 胃不消化 身體軟弱 怔忡驚悸 氣鬱發厥 頭痛目眩 筋系疼痛 風溼骨痛

腎骨酸痛 腰骨疼痛 山林瘴氣 腳氣衝心 少年斷傷 乾溼瘋癩 以及皮膚諸症是丸久已名馳環

宇又能醫治少壯婦女 月經不調 背骨痠痛氣鬱不舒等症誠爲婦科中之聖藥也 中國各處藥局商店均

有代售或直向上海九江路B字第八號

韋廉士大醫生藥局總發行處購買亦可價銀每六樽大洋八元每一樽大洋一元五角 遠近郵費一律不取

天津正商務印書館新書

嚴又 訂正羣學肆言 此書所以治羣之體術書凡十六篇前經嚴又先生詳出行世備受海內歡迎

高小 女子國文教科書 本館前編初等小學女子國文教科書八册一年間已屢六版近又承學部審定其價值可不待言此書即繼前書而作所採材料仍以女子必需之道德智識為主而於家

學部改訂 近世化學教科書 此書凡化學中實驗理論之關係解說甚詳每册定價洋八角五分

查理 初等代數學 王家漢譯書考天校○是書久已膾炙人口於譯述之時 說力求顯明題問時有酌

新編 初等三角法教科書 日本飯島正之助著清澤潤○上篇述銳角之圖兩數下篇述普通三角之圖函數定

家計簿記教科書 此書寓文法於讀本使學者易於領悟而於文法入部之總則及其云讀之時間尤為

鄭富 新法英文教程 此書寓文法於讀本使學者易於領悟而於文法入部之總則及其云讀之時間尤為

日內 日語讀本 內編風文君現任山東高等小學堂日語教授歷年既久閱歷尤深茲以其經驗材

勸等 鉛筆習畫帖 本館前出高等小學鉛筆習畫帖已承學部審定是書編繪之法與前書相應而筆法

林譯 鍾乳圖體 英國哈葛得原著○此書大致似霧中人出於老獵戶戈德門自述錄歸本於亨利之

林譯 天囚懺悔錄 是書敘一人誤殺其友出亡天良受種種苦惱後流荒島自力自強繼改行爲善卒得

新譯 匈奴奇士錄 許其兄報警此食王又誘惑一公爵思獲其夫人設種種奸謀不得遂公爵夫人卒嫁

新譯 模範町村 日本農學博士橫井時敬原著○此書以改良地方自治之理想假託 人久客歸鄉

開河北設大胡同電話五百二十六號

啟新 灰洋有限公司廣告



啓者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

啟新洋灰有限公司磚窰招股滿額廣告

啓者本公司前經登報添招磚窰股本三十萬元截至三月十五日兩個月期限認股業已滿額凡有未交股本務請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器漆藍 奇巧美術玩器 學界文房用品 旋行携帶等件 精工鑲身物料
 定織各色蓆氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

北洋灤州官礦有限公司開正式股東會訂期廣告

啓者本公司開辦已逾一稔造端宏大事緒綦繁茲定於五月二十四日下午二鐘在天津東門外玉皇閣本公司開正式股東會提議各項事件應請股東先期於三日前各帶股票赴本公司驗明以便填給會券屆期即可持券入會如不先領會券臨時未便接待再各股東領會券時務祈將姓氏籍貫住址開示以便隨時通函佈告謹啟

利文鐘

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜錫子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

瑞林祥元記

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

平和戒烟醫局廣告

啓者敝同人創設戒烟醫局原屬拯濟為懷欲將天下人沈疴洗除淨盡無各博施濟衆堯舜不能且為日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意刻下期限屆滿戒烟者百數十人在局服藥者尚有百數十號成效已着人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商乃議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須覓有妥實舖保力為擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想為諸君所共悉而共諒也此佈 平和戒烟醫局告白

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧願加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分
 法政學報十日一册每月三册收價洋六角零購者每册二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本埠售價例

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌
 濟南官書局
 奉天省城振泰報局
 開封南書店街本分局
 各州縣驛遞不在此例

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

便宜祭幛出售

茲有庫緞杭甯本亮花大呢布東綉洋緞各色祭幛寄存估衣街勾德豐帽店出售貨色新鮮均照市價八折扣算 賜顧諸君請至該處購閱可也